

155  
14. júlí8. gr.  
Reikningar sjóðsins skulu árlega birtir í Stjórnartíðindunum.

Reykjavík, 28. apríl 1952.

Halldór Kjartansson.

Lúðvíg Guðmundsson.

Ingvar Kjartansson.

156  
15. júlí

## AUGLÝSING

um breyting á auglýsingu nr. 214 frá 1951, um notkun heimildar laga nr. 94 frá 27. nóv. 1951, um innheimtu ýmissa gjalda 1952 með viðauka.

Ákvæði f-liðar auglýsingarinnar orðist þannig:

Með 560% álagi gjald af innlendum tollvörutegundum samkv. lögum nr. 60 1939, nema gosdrykkjum samkv. 1. tölulið 4. kafla 2. gr. með 680% álagi, öli samkvæmt 3. tölulið sama kafla með 740% álagi, aldinsaft og límonaðisafnt samkv. 5. og 6. tölulið sama kafla með 100% álagi og kaffibæti samkv. 1. tölulið 3. kafla með 50% álagi.

*Fjármálaráðuneytið, 15. júlí 1952.*

Eysteinn Jónsson.

*Sigtr. Klemenzson.*157  
16. júlí

## REGLUGERÐ

um breyting á reglugerð nr. 92 17. maí 1951, um jarðrækt.

1. gr.

Á eftir tölulið VII. í 11. gr. reglugerðarinnar komi nýr liður, er verði VIII. töluliður og hljóði svo:

VIII. Garðávaxtageymslur:

- a. Steyptar með þaki úr varanlegu efni ..... kr. 5.50 á m<sup>3</sup>  
 b. Garðávaxtageymslur úr öðru efni ..... — 3.00 á m<sup>3</sup>  
 Töluliður VIII., sem nú er, verði IX.

2. gr.

Á eftir tölulið VII. í 12. gr. reglugerðarinnar komi nýr liður, er verði töluliður VIII. og hljóði svo:

VIII. Garðávaxtageymslur:

- a. Steyptar garðávaxtageymslur skulu vera með steiptum veggjum vel vatns-heldum og einangruðum. Gólf skal vera steipt og svo frá gengið, að eigi geti stafað hætta af jarðvatni. Enda skal byggingarstæði valið með tilliti til þess. Þak skal vera þétt og vel einangrað. Rimlagrindur skulu vera í botni á stíum. Loftræsting skal vera góð. Hurðir skulu vera tvöfaldar.  
 b. Garðávaxtageymslur úr öðru efni:  
 Þær skulu vera með vel þéttu og einangruðu þaki og þannig byggðar að þær séu öruggar gegn frosti. Loftræsting skal vera góð og hurðir tvöfaldar.

## 3. gr.

Ákvæði til bráðabirgða breytist þannig:  
Í stað 1952 í 3. málsgrein komi: 1954.

157

16. júlí

Reglugerð þessi er sett samkvæmt lögum nr. 45 17. maí 1950 og lögum nr. 8 24. janúar 1952, um breyting á jarðræktarlögum nr. 45 17. maí 1950, til að öðlast þegar gildi.

*Landbúnaðarráðuneytið, 16. júlí 1952.*

**Hermann Jónasson.**

*Árni G. Eylands.*

## AUGLÝSING

158

17. júlí

um skiptingu Reykjavíkurprófastsdæmis í sóknir og prestaköll.

Að fengnum tillögum safnaðarráðs Reykjavíkur og meðmælum biskupsins yfir Íslandi, er Reykjavíkurprófastsdæmi hér með, fyrst um sinn, skipt í sóknir og prestaköll, og takmörk þeirra ákveðin sem hér segir:

### 1. Nesprestakall: Nessókn.

Sóknin nær yfir Seltjarnarnes og þann hluta lögsagnarumdæmis Reykjavíkur, sem verður vestan og sunnan línu, sem dregin er frá sjó, vestan við Ánanaust, eftir miðju Hringbrautar og Melavegar (Suðurgötu) að Sturlugötu. Því næst ræður Sturlugata og framhald hennar, að gatnótum við Njarðargötu og þaðan bein lína yfir Reykjavíkurflugvöll í Skerjafjörð, austan við olíustöð h/f Shell.

### 2—3. Dómkirkjuprestakall (I og II): Dómkirkjusókn.

Sóknin nær frá mörkum Nessóknar, að línu, sem dregin væri sunnan Njarðargötu, að mótum Nönnugötu og Njarðargötu og því næst austan Nönnugötu, Óðinsgötu, Týsgötu og Klapparstígs, í sjó.

### 4—5. Hallgrímssprestakall (I. og II): Hallgrímssókn.

Sóknin nær frá mörkum Dómkirkjusóknar og Nessóknar að línu, sem dregin væri frá sjó í Rauðarárvík um Skúlatorg, austan Rauðarárstígs að Miklubraut, austan Engihlíðar, milli húsanna nr. 12 og 14 við Eskihlíð um heitavatnsgeyma á Öskjuhlið, í sjó við Nauthólsvík.

### 6. Háteigsprestakall: Háteigssókn.

Sóknin nær frá mörkum Hallgrímssóknar að línu, sem dregin væri frá Rauðarárstíg, sunnan Laugavegar að Kringlumýrarvegi, því næst austan og sunnan Kringlumýrarvegar um Öskjuhlið í heitavatnsgeymana.

### 7. Bústaðaprestakall: Bústaða- og Kópavogssóknir.

Bústaðasókn nær frá mörkum Kópavogshrepps og mörkum Hallgrímssóknar og Háteigssóknar, að Miklubraut og að Elliðaám.

Kópavogssókn nær yfir Kópavogshrepp.

### 8. Laugarnesprestakall: Laugarnessókn.

Sóknin nær frá mörkum Hallgrímssóknar, Háteigssóknar og Bústaðasóknar að línu, sem dregin væri frá Miklubraut, vestan Háaleitisvegar, Múlavegar, Kambsvegar, í sjó, vestan við Vatnagarða.